

Fula - De'itinan Deftere - Comfort Scriptures

2 Korintu'en 1:2-4 2 Jehovah, Baabiraawo men, e Yeesu Almasiihu, Jawmiraawo men ndokka on mo"ere e jam. 3 Yettoore laatano Jehovah, Baabiraawo Jawmiraawo men Yeesu Almasiihu, ngam o baabiraawo endoowo, o Jehovah de'itinoowo min foroy. 4 Koo to billaaje duudani min, kaŋko o don sembidina min tum. Ngam maajum min mbaawan sembidingo yaranbe boneeji feere-feereeji. Min ndokkan be de'itinki ki min kebi haa Jehovah.

Balndi 15:13 Bernde seyiinde labbinan yeeso, ammaa to bernde naawi, ruuhu tampan.

1 Laamiibe 8:66 Nyande joweetatabre laamiido firliti yimbe. Be mbarkidini mo, be kooti, berde mabbe keewi seyo ngam Jawmiraawo woonani suka mum Daawuda e yimbe mum Isra'iila'en fuu.

1 Habaruuji Nyalaade 16:10 Ceyore innde maako seniinde, ceye, onon dowlaniibe Jawmiraawo.

Balndi 12:25 Mettamberam teddanan neddo, ammaa wolde woonde seynan mo.

Balndi 13:12 Juttingo tammunde nyawnan bernde, ammaa hebugo yela mum woni lekki ngeendam.

Esaaya 30:26 Jayŋgol lewru laatoto bana ngol naŋge, jayŋgol naŋge boo yaynan cowi joweedidi, bana jayŋgol nyalde joweedidi nder woore. Saa'i maajum Jawmiraawo habban kuuduuje yimbe muudum, o yamditinan batteeji piyde maako.

Hose'a 13:8 Mi ukkanto on bana takkere hoocanaande bikkoy muudum, mi seekan wibbere e bernde. Dawaadi nyaaman on ton, dabbaaji ladde ceekan on.

1 Samuyila 1:8,10 Goriiko ?ami mo: "Ko wadi a don woya, a nyaamataa? Ko sakli ma? Mi burantaa ma bibbe worbe sappo na?" 10 Bernde Hanna metti masin, o tori Jawmiraawo bee bojji duuddi.

Jabuura 25:16,17 Waylita gal am, hinnam, ngam mi laafudo, yimbe fuu acci yam. 17 Wurtinam billaare am, hisnam cadeele am fuu.

Jabuura 34:18 To goonja'en torake Jawmiraawo, o nanan, o wurtinan be cadeele mabbe fuu.

Jabuura 38:8 Teteki am don ngula bana yiite, bandu am walaa njamu sam.

Jabuura 55:5 Bernde am don diwna, kulol maayde ukkani yam.

Jabuura 61:3,4 Mi egginaado haa keerol duniyaaru, mi walaa de'ere, mi don toro ma: Yahram dow hooseere hisnoore. 4 Ngam an woni

Kisnoowo yam, a hisnatam juude konne'en am bana suudu sembindu.

Jabuura 62:9 Onon yimbe am, nuddine mo koondey, ngecce mo ko torrata berde mon, ngam kaŋko woni hisrude men.

Jabuura 73:26 Koo to bandu am jinni bee bernde fuu, Jehovah on woni sembe am e gedal am haa foroy.

Jabuura 77:3,4 Nder wakkati billaare mi toroto Jawmiraawo, koo bee jemma mi don weeda juude am gal maako, bernde am hebataa de'ugo.

4 To mi siftoi Jehovah, mi uuman. To mi numi, bernde am sakloto.

Jabuura 86:11 Sappinam laawol ma, ya Jawmiraawo, ngam mi tokko goonja ma, ekkitinam hulugo ma bee bernde am fuu.

Jabuura 109:22 Mi laafudo, mi billido, bernde am don naawa masin.

Jabuura 112:7,8 To o nani sarru, o hultortaa, nuddinki maako sembidī, o don hooli Jawmiraawo. 8 Bernde maako don de'i, o hulataa koodume, o anndi o yi'an do"ere konne'en maako.

Jabuura 143:4 Ruuhu am don ta"a nder am, tammunde am fuu ittake.

Jabuura 147:3 O hurgan ta"a-berde'en, o habban kuuduuje mabbe.

Balndi 14:30 Bernde de'unde woni ngeendam bandu, ammaa kaajal nandi bee gildī nyaamooji nder i'e.

Gaajoowo 1:13 Mi wadi anniya linyugo bee hikma ko laatoto les asama fuu. Tawmi: Jehovah sukli bibbe Aadama bee suklere hallunde.

Gaajoowo 2:10 Ko gite am ngidī fuu, mi hokki de, mi salaaki bernde am seyo koongoye. Ngam bernde am seyori torra am, kanjum laati ngeenaari am haa torra am fuu.

Gaajoowo 2:22,23 Dume laatanto neddo ngam torra muudum e tiinaare bernde muudum dum o torri les naange? 23 Balde maako fuu, naaworla tan. Suklere maako boo dum suklere. Koo bee jemma bernde maako siwtataako. Kanjum boo dum meere.

Gaajoowo 11:10 Sottin metteenga e bernde ma, daaynu torra e bandu ma. Ngam sukaaku e gaasa baleeha duurataa.

Esaaya 30:29 Ammaa onon on ngiman bana nder jemmaare juulde seniinde. Berde moodon ceyoto bana yahanbe bee gimi ciide haa hooseere Jawmiraawo mo tapaare hisnoore Isra'iila.

Esaaya 57:15 Min woni Jehovah bangiido, mawdo, tabiddo haa foroy, mo innde muudum Ceniido. Mi don joodī bangiidum haa nokkuure seniinde, ammaa mi don joodī haa ta"a-berndeejo e jaŋkiniido boo, ngam mi sembidina be, mi yeeditina be.

Esaaya 65:14 Huuwanoobe yam ngiman bee seyo bernde, ammaa onon on ngooken ngam torra bernde, on mboyan ngam metteenga ruuhu.

Esaaya 66:13,14 Bana daada de'itinirta biyum, non mi de'itinan on nder Urusaliima. 14 On ngi'an dum, berde mon ceyoto, i'e mon laatoto jame,

cembidde." Juŋgo Jawmiraawo wānganan dōwtantoobe mo. Ammaa konne'en maako maatan tikkere maako.

Yeremiya 15:16 Nde a wolwani yam, mi nani bolle ma fuu. De laatani bernde am seyo e welwelo, ngam an, ya Jawmiraawo honoobe asama, a mari yam.

Yeremiya 24:7 Mi hokkan be faamu ngam anndugo min woni Jawmiraawo. Nden be laatoto yimbe am, min boo mi laatoto Jehovah mabbe. Ngam be lortoto haa am bee bernde woore.

Yuhanna 14:1 Yeesu wi'i pukara'en muudum: "Taa berde moodon caklo. Nuddine Jehovah, nuddineedam min boo.

Yuhanna 14:27 "Mi don acca on bee jam, mi don hokka on salaaman am. Ko mi hokkata on, dūm nandaay bee ko duniyaaru hokkata. Taa berde moodon caklo, taa kultore.

Yuhanna 16:6 Jonta berde mon cunake ngam mi wi'i on dūm.

Yuhanna 16:22 Bana non onon boo, on cunake jonta, ammaa mi yi'an on fahin. Nden kam berde moodon ceyoto, walaa mo ittata seyo moodon sam.

Kuude Nelaabe 2:46 Nyalaade fuu be don kawta nder haykaliiru, be don kawta haa ci'e mabbe boo, be nyaamda. Be don nyaamda bee seyo, bee bernde woore.

Roma'en 9:2/3 Mi cakliido masin, bernde am accataa naawugo ngam daliila bandiraabe am, yimbe lenyol am. To min kam, mi jabanno naaloore Jehovah e seedugo bee Almasiihu ngam daliila mabbe.

2 Korintu'en 2:4 Bataakewol naane mi winduno ngol bee gondi duuddi e cakle duuddde, bernde am naawino masin. Ammaa mi windaay haa mi suna on. Mi dabbititi wānginango on no mi yidiri on masin.

Efesu'en 5:19 Ko Almasiihu huuwi, dūm laati bana kuugal Jehovah on. O laatini konne'en maako sooba'en maako, o limantaa be aybeeji mabbe. O halfini min yeynugo kubar kuugal maako kootoy.

Pastor T. John Franklin
Church of Salvation, Healing, and Deliverance
COS-HAD.org